



Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Na osnovu Sporazuma o saradnji na realizaciji projekta "Subvencioniranje gasnih priključaka na postojeću infrastrukturu Sarajevogasa", broj 05-14-36987/17 od 27.12.2017. godine, Aneksa Sporazuma o saradnji na realizaciji projekta "Subvencioniranje gasnih priključaka na postojeću infrastrukturu Sarajevogasa", broj 05-14-36987-1/17 od 13.04.2018. godine, Aneksa II Sporazuma o saradnji na realizaciji projekta "Subvencioniranje gasnih priključaka na postojeću infrastrukturu Sarajevogasa", broj 05-14-36987-2/17 od 13.03.2019. godine, Aneksa III Sporazuma o saradnji na realizaciji projekta "Subvencioniranje gasnih priključaka na postojeću infrastrukturu Sarajevogasa", broj 05-14-36987-3/17 od 23.07.2019. godine i Aneksa IV Sporazuma o saradnji na realizaciji projekta "Subvencioniranje gasnih priključaka na postojeću infrastrukturu Sarajevogasa" broj 05-14-36987-4/17 od 04.05.2020. godine, Ministarstvo prostornog uređenja, građenja i zaštite okoliša Kantona Sarajevo raspisuje

JAVNI POZIV

Za izbor korisnika subvencioniranja troškova rekonstrukcije unutrašnje gasne instalacije vlasnicima individualnih stambenih jedinica/objekata koji su priključeni na distributivnu gasnu mrežu do 31.12.2019. godine

I PREDMET JAVNOG POZIVA

Predmet Javnog poziva je prikupljanje zahtjeva i utvrđivanje rang liste za subvencioniranje troškova rekonstrukcije unutrašnje gasne instalacije, bez nabavke i ugradnje gasnih aparata, vlasnicima individualnih stambenih jedinica/objekata koji su priključeni na distributivni gasnu mrežu do 31.12.2019. godine, a koji zbog tehničke neispravnosti unutrašnjih gasnih instalacija ne koriste prirodni gas.

II USLOVI KOJE KORISNIK SUBVENCIJE TROŠKOVA REKONSTRUKCIJE UNUTRAŠNJE GASNE INSTALACIJE MORA ISPUNJAVATI

Uslovi koje zainteresovani korisnici moraju ispunjavati su:

1. Da je vlasnik stambene jedinice/objekta,



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1



2. Da posjeduje odobrenje za građenje ili dokaz da je podnesen Zahtjev za naknadno odobrenje za građenje,
3. Da su izmirena sva eventualna ranija dugovanja prema KJKP "Sarajevogas" d.o.o. Sarajevo,
4. Da je obustavljena isporuka gasa zbog tehničke neispravnosti unutrašnje gasne instalacije,
5. Da posjeduje ovjeren Projekat unutrašnje gasne instalacije.

III KRITERIJI ZA BODOVANJE

Kriteriji za određivanje broja bodova i utvrđivanje reda prvenstva korisnika subvencije na rang listi su:

1. Nosilac domaćinstva koji je korisnik subvencije troškova grijanja na čvrsta goriva (za sezonu grijanja 2018/2019), na osnovu Uredbe o subvencioniranju troškova grijanja (Službene novine Kantona Sarajevo, br. 4/05, 7/08, 37/13 i 51/14)20 bodova
2. Samohrani roditelj15 bodova
3. Osobe sa invaliditetom15 bodova
4. Domaćinstva sa djetetom sa posebnim potrebama15 bodova
5. Nosilac domaćinstva - nezaposlena osoba15 bodova
6. Nosilac domaćinstva – penzioner15 bodova
7. Svi ostali nosioci domaćinstva koji ispunjavaju opće uslove5 bodova

IV DOKUMENTACIJA UZ ZAHTJEV ZA JAVNI POZIV

Kandidati su dužni, uz zahtjev koji sadrži adresu stanovanja i kontakt telefon, dostaviti uredne dokaze da ispunjavaju uslove iz tačke II Javnog poziva i dokaze za utvrđivanje broja bodova po kriterijima iz tačke III Javnog poziva, i to:

- a) ZK izvadak izdat od strane Zemljišno-knjižnog ureda Općinskog suda u Sarajevu u originalu ili ovjerenoj kopiji, ne stariji od trideset (30) dana,
- b) Odobrenje za građenje ili Zahtjev za naknadno odobrenje za građenje izdato od strane nadležnog općinskog organa u originalu ili ovjerenoj kopiji,
- c) Potvrda da su izmirena sva eventualna dugovanja prema KJKP "Sarajevogas" d.o.o. Sarajevo izdata od strane KJKP "Sarajevogas" d.o.o. Sarajevo u originalu ili ovjerenoj kopiji, ne starija od trideset (30) dana,
- d) Potvrda da je obustavljena isporuka gasa zbog tehničke neispravnosti unutrašnje gasne instalacije izdata od strane KJKP "Sarajevogas" d.o.o. Sarajevo u originalu ili ovjerenoj kopiji, ne starija od trideset (30) dana,
- e) Saglasnost na projektnu dokumentaciju i Energetsku saglasnost izdate od strane od strane KJKP "Sarajevogas" d.o.o. Sarajevo u ovjerenoj kopiji,



web: <http://mpz.ks.gov.ba>
 e-mail: mpz@mpz.ks.gov.ba
 Tel: + 387 (0) 33 562-029,
 Fax: + 387 (0) 33 562-031
 Sarajevo, Reisa Džemaludina Čauševića 1



- f) Rješenje o subvencioniranju troškova grijanja (za sezonu grijanja 2019/2020, samo za ona domaćinstva čiji je nosilac korisnik subvencije troškova grijanja na čvrsta goriva na osnovu Uredbe o subvencioniranju troškova grijanja) u originalu ili ovjerenoj kopiji,
- g) Kućna lista kao dokaz da je kandidat samohrani roditelj u originalu ili ovjerenoj kopiji, ne starija od trideset (30) dana,
- h) Rješenje o invalidnosti kao dokaz da je kandidat osoba sa invaliditetom u originalu ili ovjerenoj kopiji, ne starije od trideset (30) dana,
- i) Ček od penzije kao dokaz da je nosilac domaćinstva penzioner u originalu ili ovjerenoj kopiji, ne stariji od trideset (30) dana,
- j) Potvrda od Biroa za zapošljavanje kao dokaz da je nosilac domaćinstva nezaposlena osoba, u originalu ili ovjerenoj kopiji, ne starija od trideset (30) dana,
- k) Rješenje o kategorizaciji djeteta sa posebnim potrebama kao člana domaćinstva i Kućna lista kao dokaz u originalu ili ovjerenoj kopiji.

Maksimalan iznos subvencioniranja troškova rekonstrukcije gasne instalacije iznosi:

- 1.000 KM bez PDV po stambenoj jedinici.

U slučaju da su navedeni troškovi veći od 1.000 KM bez PDV (npr. potrebna veća količina materijala, složeniji kvar gasnog aparata i zamjena dijelova, i sl.) kandidat za subvenciju treba da priloži Izjavu da je saglasan da će finansirati razliku za navedene troškove kako bi mogao dobiti subvenciju.

Troškovi rekonstrukcije unutrašnje gasne instalacije uključuju:

- Troškove radova i materijala na rekonstrukciji unutrašnje gasne instalacije
- U troškove radova i materijala na rekonstrukciji unutrašnje gasne instalacije nije uključena kupovina novih gasnih aparata.

Sredstva za subvencioniranje troškova rekonstrukcije unutrašnjih gasnih instalacija su ograničena, a predviđena su u Budžetu Kantona Sarajeva.

Prednost za subvencioniranje ima kandidat sa većim brojem bodova na Javnom pozivu. U slučaju istog broja bodova prednost ima kandidat koji Projektom unutrašnje gasne instalacije ima veću ukupnu snagu gasnih aparata (Energetska saglasnost).

Zahtjevi se dostavljaju putem pošte ili na protokol KJKP "Sarajevogas" d.o.o. Sarajevo, na adresu: Trg Fadile Odžaković Žute broj 4, Sarajevo. Na kovertu posebno staviti oznaku "Prijava na Javni poziv za izbor korisnika subvencije troškova rekonstrukcije unutrašnje gasne instalacije – NE OTVARATI".

Javni poziv ostaje otvoren trideset (30) dana od dana objavljivanja.

Javni poziv će biti objavljen u dnevnom listu Oslobođenje i na web stranici Kantona Sarajevo.

Zahtjeve koji su neblagovremeni i koji ne ispunjavaju uslove iz tačke II i tačke IV Javnog poziva, Komisija će odbaciti kao neuredne.



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1



Nacrt rang liste Komisija objavljuje na oglasnoj ploči Kantona Sarajevo i web stranici Kantona Sarajevo. Na Nacrt rang liste kandidat može Komisiji uložiti prigovor uz odgovarajući dokaz u roku od sedam (7) dana od dana objavljivanja.

Komisija razmatra prigovor, nakon čega informiše podnosioca prigovora o donesenoj odluci po prigovoru i utvrđuje Prijedlog rang liste koji se dostavlja ministru. Konačnu rang listu potvrđuje Ministar prostornog uređenja, građenja i zaštite okoliša Kantona Sarajevo i objavljuje na oglasnoj ploči Kantona Sarajevo i web stranici Kantona Sarajevo.



MINISTAR

Faruk Kapidžić, dip. ing. arh



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1

